

2016-imi akileraarutitigut ilanngaatisat il.il. imatut angissusilerneqarnissaannik Inatsisartut aalajangiinissaannik siunnersuut:

1. Inummut ilanngaat.....kr. 48.000 (ukiumut)
2. Ilangaat aalajangersimasoq.....kr. 10.000 (ukiumut)
3. Aningaasarsiat B-t akileraaruteqaataasussaannngitsut..kr. 5.000 (ukiumut)
4. Killilimmik akileraartussaataasut ilanngaataat.....kr. 1.000 (ukiumut)
5. Kommuninut ataatsimut akileraarut.....6%

Saqqummiussissut

(Aningaasaqarnermut Aatsitassanullu Naalackersuisoq)

Siullermeerneqarnera

Inatsisartut aningaasarsianit akileraarutit pillugit Inatsisartut inatsisaat naapertorlugu 2016-imi akileraarutitigut ilanngaatisat il.il. angissusissaat 2015-imi ukiup affaani siullerme aalajangersartussaavaat.

Ilangaatit il.il. pineqartut tassaapput:

1. Inummut ilanngaat - § 67, imm. 1.
2. Ilangaat aalajangersimasoq - § 21, imm. 2.
3. Aningaasarsiat B-t akileraaruteqaataasussaannngitsut - § 20, imm. 2.
4. Akissarsiorlut killilimmik akileraartussaataasut ilanngaataat - § 2, imm. 2.
5. Kommuninut ataatsimut akileraarut - § 63, imm. 2.

Ilangaatit il.il. ataasiakkaat erseqqinnerusumik eqqartorneqarnerat, atuuffii kiisalu ukiuni siusinnerusuni angissusilerneqarsimaneri eqqarsaatigalugit ilanngussaq 1 innersuussutigineqarpoq, soorluttaaq 2016-imi aningaasarsiat tunngavissaattut naatsorsuutigisat ilanngussaq 2-mi nassuiaatigineqartut.

Naalackersuisut siunnersuutigat 2016-imut akileraarutitigut ilanngaatisat il.il. 2015-imut sannilliullugit allannguuteqassannngitsut, tassa Akileraarnermut Atugarissaarnermullu Ataatsimiititaliap innersuussutai tunngavigalugit piffissami aggersumi isumaqatiginninniarnissani akileraarutitigut ilanngaatisannut allannguutissaajunnartut ilanngunneqarnissaat Naalackersuisunit kissaatigineqarmat.

Taamaalilluni ilanngaatit aammalu kommuninut ataatsimut akileraarut 2005-imi akileraarutit nikkut aqqissuusseqqinnerup kingorna allannguuteqartinneqanngillat, ilanngaatimmi taamani katillugit 10.000 koruuninik qaffanneqarsimapput taakkulu saniatigut kommuninut ataatsimut akileraarut 2 procentpointinik qaffanneqarsimalluni.

Kalaallit Nunaanni Kommuneqarfiit Kattuffiat nalunaarpoq kommuninut ataatsimut akileraarutit 2016-imut allanngortinnagu 6 %-imut angissusilerneqarnissaa isumaqataaffigalugu.

Paasissutissiissutigineqassarli akileraarutitigut naligiissaanissaq allangortinneqassagalu-
arpat aamma kommuninut ataatsimut akileraarutit agguaanneqartarnissaannut inatsisitigut
toqqammavik allangortinneqarnissaanik kinguneqarsinnaammat.

Taamatut oqaaseqarlunga 2016-imi akileraarutitigut ilanngaattissat il.il. siunnersuutigineqartu-
tuut angissusilerneqarnissaat Naalakkersuisut sinnerlugit inassutigissavara.